

POLONIA.

472

Urba.

Rava Civitas lignea est ad flu. Ravam: habet sub se Opida *Sochaczoviam*, *Gostinin*, & *Gambin*. *Ploczko* amena Civitas in colle ad Vistulam, sedes est Episcopalis: sub hac sunt *Bielsko*, *Raczayaz*, *Sieperoz*, *Srensko*, *Mladva*, *Plonsko*, & *Radzanow*. *Dobrinia* in scopulo ad Vistulam sita est, in ea Arx fuit quam Crucigeri demoliti sunt. Sub hac *Slonsk*, *Ripin* & *Gorzno*. In Polonia vero minores urbes principales hæ sunt, *Cracovia*, *Sandomiria* & *Lublinum*. *Cracovia* in planicie ad Vistulam exstructa est (eam Petrus Appianus putat esse *Ptol. Carrodunum*) muro duplici, valloque firmissimo. Arcem habet in scopulo eminenti, quem *Vanel* dicunt. In hac urbe Regum Poloniae sedes est, & sepultura. Gymnasium quoque celebre studiis Philosophiæ & Artium. Carent autem *Cracovienses* Advocato supremo, sed Rex ipse Præturam *Cracoviensem* obit. Castellanus quoque *Cracoviensis* Palatino in Senatus consessu prior digniorque est, cum in cæteris Regni Provinciis Palatinus Castellano præferatur. *Cracovia* tres Civitates contiguas sunt *Clepardia*, *Stradomia*, & *Casimiria*. Habet sub se Ducatus duos, *Zatocensem* & *Osuniocensem*. Opida ei subsunt hæc, *Biecz*, *Uvonincz*, *Sandecz*, *Lelow*, *Kzyaz*, & *Proszowice*. *Sandomiria* Civitas Principalis illius districtus, muro circumdata, in colle ad Vistulam sita est, abest *Cracovia* *xxii* mill. Arcem habet antiqui operis & ut tunc bellaerant, satis munitam. Sub ea sunt *Checiny* in loco plano, fodinis Lazuri clara, in quibus etiam Argentum reperitur, *Korczyn*, *Wislicia*, *Pilzno*, *Opoczno*, *Radomia*, *Polonieck*, *Zarnichost*, *Zarnow*, & *Malogost*. *Lublinum* Civitas præcipua illius districtus, ultra Vistulam est, muro, fossa, stagnis, arce munita. In hac quotannis triplices sunt nundinæ, ad quas conveniunt Turcæ, Armeni, Græci, Germani, Moschovitæ, Lithuani, alique. Arcem fl. adluit *Bystrzyna*. Sub ea sunt *Wrzendow*, *Lulow*, *Parcow* & *Casimiria*. Porro Poloniae regio stagna habet permulta & Lacus, in quibus omne Piscium genus. Nobilissimis etiam fluminibus rigatur, quorum primum est *Vandalus* sive *Vistula*, Germanis *De Wixel*. Sequuntur *Chronus*, nunc *Pregel*, *Nyemien*, *Rubon*, *Viadrus*, *Varta*, *Tyras* nunc *Nyester*, *Hypanis*, hodie *Bugh*, *Borysthenes* nunc *Nyepes*. Præter hæc minorum gentium multa. Montes fere nulli sunt, præterquam qua in Meridiem vergit, ac ab Hungaria *Sarmaticis* *Carpathiisque* montibus quos *Tatri* incolæ vocant, dirimitur. Silvis pene omnis regio obducitur, quæ *Hercyniæ* portiones sunt. Sed de his hæcenus. Status autem Politicus Regni Poloniae *ii* habet Membra. *i* Ecclesiastici in quibus sunt Archiepiscopi *ii*, *Gnesna* & *Leopoli*. Episcopi *Cracovia*, *Ploczko*, *Chelma*, *Vladislavia*, *Pomesania*, *Varmia*, *Culma* & *Sambienfis*, *Poznania*, *Premislia*, *Cavenez*, *Vilna*, *Mednucque*, *Lucovia*. In Livonia *Riga*, *Derpta*, *Absel*, *Revalia*. *ii* Nobiles, in quibus sunt Castellani *Cracovia*: Palatini, *Cracovia*, *Poznania*, *Sandomiria*, *Kalischi*, *Siradia*, *Lancise*, *Brezeste*, *Inowladislavia*, *Russia*, *Podolia*, *Lublin*, *Belze*, *Plocense*, *MaXovia*, *Rava*. Item in Lithuania *Vilna*, *Trochi*, *Polesko*, *Novogrod*, *Vitellia*. Item in Prussia, *Culma*, *Marienbourg*, *Pomerania*. Castellani *Poznania*, *Sandomiria*, *Kalische*, *Voinice*, *Gnesna*, *Siradia*, *Lancise*, *Brizeste*, *Inowladislavia*, *Leopoli*, *Camenevia*, *Lublin*, *Belze*, *Plocense*, *Gene*, *Ravense*, *Sandecia*, *Myedzeris*, *Vislicie*, *Biece*, *Rogostia*, *Radom*, *Zawichost*, *Landense*, *Sreme*, *Zarnowe*, *Mologost*, *Vielune*, *Premislia*, *Haine*, *Sanoe*, *Chelme*, *Dobrine*, *Polanecia*, *Premetense*, *Criswinense*, *CXecovia*, *Nakle*, *Rosprie*, *Byechovia*, *Bydgostia*, *BrezeXine*, *Cruizicie*, *Osvecimense*, *Camenev*, *Spicimirie*, *Inowlodense*, *Revalia*, *Zavole*.

Lacus.

Flumina.

Montes.

Silva.

Ratio gubernandi.